

Caparbu Biatlangkawm (Conclusion to Series)

Hngal Zungzal: Zumhnak (trust) cu mah nih i thimmi a si.



Monument Valley, Utah, USA

Israelmi hna cu kum 40 tluk ramcar chung an vahvaih hnu ah, Joshua hruainak in Kamhmi Ram (Promised Land) chung ah a lut ding an si cang. Cu ram chung um ding ah taksa lei in siseh, thinlung le thlarau lei in siseh, timhtuahnak tampi ngeih an herh i an ca ah zuamcawhna ngan ngai a si. Cu lio ahcun an zumhnak, an man (value) le an i pumpeknak kong he pehtlai in Joshua nih a zuamcawh hna. Ram thar le sining thar chung ah a karhlang ding an si cang caah, Aho dah an biak lai i an rianh lai? ti kha a zuamcawhmi hna cu a si. Hi Joshua bia hi nihin zumtu kan ca zong ah sullam a ngei ngaingai:

Atu cu BAWIPA kha ñih u law, a rian kha zumhawktlak tein ñuan u...

Asinain BAWIPA rian ñuan kha nan duh lo ahcun,

aho rian dah nan ñuan lai kha nanmah tein i thim ko u...

Asinain kei le ka innchungkhar tu nih cun

BAWIPA biak le a rian ñuan tu kha kan i thim ko lai.

Joshua 24:14-15

Ka zumhnak a rak rawk hnik

1990 kum lio hrawng ah, ni khat cu kha hlan tluk in Pathian ka zumh ti lo kaa hngal. Kum hra chung lungfahnak le ngaihchiatnak tampi ka rak tong. Cu nih cun ka zumhnak a rak hnih. Pathian ka hlaw lo; ka rak biak rih ko. Asinain, ka chung ah thlennak nganpi a rak um i cu thlennak cu a dam lo ngaimi thlennak phun a rak si.

Cu ti kaa tuahnak ka tuanbia a hramthok in vun chim ta ning. Pastor rian ka ÷uan hramthok ti awk ah Pathian le ka rian ÷uannak cung ah lunghrinnak ka ngei.


1980 kum ah, ka nupi he Chicago khua kiang i a ummi Khrihfabu hmete ah pastor rian kan ÷uan. Kum 4 kan ÷uan chung ah lungfahtertu thil tampi kan tong. Kan fanute a ruak in a chuak (nau kan rawk). College ka kai lio i kan um ÷imi ka hawipa (kum 28) nih ruah lopi ah a kan thih taak. Zarh khat ah suimilam 70 rian ka ÷uan nain, ka rak i ruahchan bantuk in a theipar zehmanh ka hmu lo. Ka rian ÷uannak (ministry) cu a kal ve lengmang ko, nain ka Khrihfabu cu ka ruah bang in a ÷ang lo; hmai ah a kal lo. Ka rak i ruahchanmi le a simi thil cu a lingtalet bak an si dih. Zei ruang ah Pathian nih a ka bawmh hnga lo ti ka ruat; nain a ruang ka hngal kho lo.

Faak ngai in ka zaw hoi. 1986 kum, June thla ni 24, ka fapa upa pa a chuah a thaizing ah siibawipa sin in thawngpang ÷halo ka theih. Phone in a ka chonh i, duhsah te le nem tein a ka chimh. Cuar zawtnak tha lo na ngei i atu hnu kum 10 lawng nun dawh na si cang, a ka ti.

Cu thawng ka theih cu ka paw ah faak taktak in ra ka cum hna sehlaw a lo. Zei ko dah ka huah? Khrihfabu ah kaa ruahchan tluk in Pathian nih kaa zuamnak thlua a chuah lo. Kan fanu zong thihnak in a khamh lo (a ruak in a chuak) leng ah, atu cu kan fapa zong kum 10 a tlin hlan ah pa ngei lo a si lai i ka nupi zong nuhmei ah a cang lai. Khua ka ruat i lungretheihnak lawngte a si ko.

Tlawmpal ah hringtu ka nu cu Alzheimer zawtnak in a zaw i mah hngal lo in a um hoi. Cu tik ah ka pa cu a rian in aa ngol i ka nu a cawng. Ka pa zong cu ka nu a cawngnak ah ni khat hnu ni khat a derthawm chin lengmang i a donghnak ahcun ka nu hlan ah amah tu nih a kan thih taak. Fale nih kan bawmh khawhmi hna zehmanh a um lo! 1998 ah ka pa cu a thaw a dih i ka nu cu 2002 ah a cat ve.

Cu ka tonmi thil pawl cu ka caah sullam pakhatte hmanh an ngei lo. Lungfahtertu lawnglawng an si. A luancia caan ka cuanh ÷han tik ah, Pathian rian ah ka rak luhning lungput a rak hman lo ka fiang ÷han. Zumhawktlak tein a rian ka ÷uan poh ahcun, Pathian nih a ka zohkhenh ko lai, ti kha ka rak zumhmi le ka rak i ruahchanmi cu a si. “Pathian nih zohkhenh” timi sullam ze tin ka rak i fian cu ka hngal ti lo. Ka rak i ruahchan bang in a theipar zehmanh ka hmu lo. Ka nulepa si hna seh, ka chungkhar siseh, ka Khrihfabu siseh, keimah lila zong siseh, Pathian nih a kan deuh bak, ka ti i lung faak ngai in ka rak temtuar. Cu nih cun Pathian cung lunghrinnak le lungfahnak nganpi ka chung ah a pawiter.



Kaa hrimh̄thannak

1995 kum January thla ah, ni 8 chung thlaraulei hrimh̄thannak program ah ka va kal ve. Pathian thanḡthatnak, thlacamnak le mahlemah i cheknak in caan kan hmang hna. Hmailei ka nunnak ding kong ah Pathian nih pakhat khat ka hmuhsak seh ti ka duh hringhran. Cu hrimh̄than kan kal tan i ka tonmi nih khuaruahhar in a ka tuah.

Zaan khat cu a liam i a zaan hnihnak ahcun, Pathian ka zum taktak ti lo, ti ka hun i fiang. Harsatnak le lungfahnak kan tonmi vialte hi Pathian palh a si, tiah Pathian mawhchiat in kaa la. Ka lungthin le ka ruahnak ah a ummi cu, hi thil hna hi Pathian nih a ka tonter, ti bak kha a si ko.

Cu zaan cu ka nunnak ah zuamcawhnak ngan taktak a si. Lam pahnih aa tonnak zawn ah a dirmi ka si kha ka hngalh. Hmai lei kal khawh ding ahcun, lam pakhat kaa thim hrimhrim a herh cang. Pathian zumhnak lam maw ka thim lai, zumh lonak lam dah? Ka nunnak nih a thatnak le a dawtnak a tem lo bu in cun Pathian rian a t̄uan kho ding ka si ti fawn lo. Thim a har ko! Asinain lam pakhat khat cu i thim hrimhrim a hau cang: Ka nu zawtnak le a dangdang kong i ka lungfahnak i uam in Pathian he i t̄hen lawlaw kha maw kaa thim lai? Asiloah Pathian cu ka ca ah a t̄ha lei in rian a t̄uan kho rih ko ti in dah amah zumh tu kha kaa thim lai?

Tlawmpal ah khin, chikhatte ah ka mit a huptu thil pakhat khat vung tla sehlaw bang khin ka mit a hung fim i thil sining fiang deuh in ka hun hmuh t̄han. Pathian nih a ka dawtnak le a ka zawnruahnak a si ah, a ka dawt lo le a ka zawnruah lonak a si ah, hrihhram ngei le ning cang t̄lai tein ka fianter khawh hlei lai lo ding kha ka hun i fiang. Cucaah, Pathian zumh maw kaa thim lai? Fahnak le ngaihchiatnak vialte i uam buin lam dang zulh dah kaa thim lai? ti kha ka ca ah a rak biapi bik cu a si ko.

Cu cu ka hung fian tik ah, i thim ding fiang tein ka hun hngalh. Lungfahnak thilrit pi i phawrh lengmang cu ka ba tuk cang. A ka temtawntu lungfahnak t̄ul-hri i phoih zau khawh ka duh tuk cang. Ka tonmi harnak le fahnak ruang i Pathian mawhchiat si ti loin, Jesuh Khrih i a Pathian le Baibal t̄ialtu hna nih an chimmi zumh kha ka duh deuh cang. Cu Pathian cu ka caah mi thar (stranger) a si lo. Kum saupi chung kan rak i pehtlai bal i ka rak dawtmi le ka rak hngalhmi Pathian kha a si ko.



Ka cawnmi

Fahnak le harnak ka tonmi nih ka herh tukmi thil a ka cawnpiak i cu nih cun thlarau lei ka nunnak lamthluan ah tampi a ka bawmh.

- **A rak ka deuhtu kha amah Pathian si loin, a sin in ka rak i ruahchanmi thil tu a rak si.** Phun dang in chim ahcun, temhinnak, zawtfahnak le thihlohnak chung in a ka luatter lai, ti ka rak i ruahchanmi kha a ka deuhtu taktak cu a si. Cu ti kaa ruahchannak nih a donghnak ahcun Pathian cung ah lunghrinnak le amah zumh khawh lonak tiang a ka phanhipi. A tlangpi in chim ahcun Baibal chung ah hin, Pathian nih kilven ding le zohkhenh ding in bia a kan kamh ko. Asinain, zeï bantuk thil sining chung poh le zeï tik caan poh ah kilven le zohkhenh ding in bia a kan kamh lo. Zumtu hna hi Pathian nih kan nunnak chung i a tuahmi thil ðha tampi ruang ah kan i lawm kho ko. Asinain, Khrihfa kan si ruang ah temhinnak chung in kan luat lai, ti cu kan i ruahchan awk a si lo.
- **Zumhnak cu mah nih i thimmi a si.** Caanhar chung le a fiang lomi thil sining chung i kan um lio caan ah zumhnak hi kanmah nih i thim a herh. Pathian zumhawktlak a si le si lo hi kan tonmi thil cung hngat in chim awk a ðha lo. Kan nunnak ah, thlavaikiang in kan um caan a tam, mi nih hlaut le pheo kan i huah caan a tam, asiloah midang nih zaangfah le bawmh a haumi kan si caan a tam. Pathian zumhtlak a si konak kong khi catlap khat lei kam ah ðial u sih law, cu dih cun, zumhawktlak a si lonak khi a dang khat lei kam ah ðial u sih law, biakhiahnak tuah hnik tuah u sih. Kan hmuhtonmi vial cung hngat in kan ðialmi si lai kaw, hman tein biatlang kawm awk a ðha lai lo. Phun dang in chim ahcun, biakhiah awk a ðha lo, tiah biatlang kawm kan hau ko lai. Khrihfa Filosafo minthang Soren Kierkegaard nih a rak chim bang, i thim awk kan ngeihmi cu: zumhnak ka hlaut lai maw? kaa thim lai dah? ti lawng hi a si ko.

Khrihfa thlaraumi sinak kong ah cañal lei minthang Henri Nouwen nih, a fiang lomi sining chung kan um lio caan ah i thim ding kan ngeihmi kong he pehtlai in hi ti hin a ðial:

Kan nunnak ah hin, lunglawmhnak a um bantuk in lungfahnak zong a um. Cu zawn ahcun, nangmah nih zalong tein i thimnak nawl na ngei. Lunglawmhnak naa thim khawh, asiloah lungfahnak naa thim khawh.

LIFE OF THE BELOVED: SPIRITUAL LIVING IN A SECULAR WORLD, P. 61

Kan temhinnak, kan zatlaknak hna le vawlei ah kan tonmi buainak le thilthalo hna hi kan zoh tik ah ðhawnnak (power) pakhat hmanh a ngei lo bantuk ah kan i ruat men lai. Asinain, kan ngei ko. I thim khawh ðhawnnak kan ngei ko. Harsatnak tampi lak le kan hngalh khawh lomi thil tampi lak zong ah, kan rak hngalh i kan rak dawtmi Pathian kha kan i thim ðhan khawh ko. Kan cung ah a tlungmi temhinnak hna hi zumhnak mit in kan zoh khawh ko. Kan nunnak chung i Pathian riantuannak

zeimawzat tal cu kan hmuh khawh ko caah kan duh ahcun lawmhnak kan i thim khawh ko. A dangdang kan hngalh khawh lomi kong tu cu *thlah* (let go) ding a si ko.



Hidden Lake, Glacier National Park, Montana, USA

Thlarau Thazaang

Pathian cung i lunghrinnak le lungfahnak kan ngeihmi hloh kan duh tik ah, kha lunghrinnak le lungfahnak kha hnon ding an si lo. Phun dang deuh in chim ahcun, a zaihmanh a ti lo bantuk, a lung faak lo bantuk in i umter ding a si lo. Dam thannak ding ah kan lunghrinnak le kan lungfahnak kha tha tein kan hngalh tu a herh lehlam. Aw thang deuh le faak deuh in thawngtha chimnak zong in damh khawh a si hlei lo.

Pathian kong ah siseh, kanmah lila kong ah siseh, nunnak kong zong ah siseh, kan hngalh khawh lomi thil a tamtuk, ti hngalh hmasa i cohlan khawh hi kan lunghrinnak le kan lungfahnak dam aa thoknak cu a si. Na vawlei zeitluk in a muih zong ah, sunghralhnak zeitluk tam na ton zong ah, lungfahnak zeitluk in na tuar zong ah, nangmah thilti khawhnak le hngalh khawhnak a zik a phanh i “Aw ka ti khawh lomi le ka hngalh khawh lomi pei a rak tamtuk hi” ti na fian tik ahcun, na zumhnak hi Sertu Pathian le Jesuh Khrih chung ah na chiah than khawh ko lai.

Cu ti na tuah tik ah:

- Minung hngalhnak a lonhmi daihnak na chung ah a um lai.
- Na hmuitinh lei kalnak ding ah na thazaang aa tharchuah than lai.
- Midang cung ah nunnemnak le zawnruahnak na ngei deuh lai i, midang bawmhnak lei ah naa pechan kho deuh lai.
- Temhinnak chung le a fiang lomi sining chung na um lio caan zong ah Pathian nih chimh a'n duhmi na ngai kho deuh lai.
- Thlarau in a khatmi le Thlarau nih a hruaimi nunnak nih a chuahpimi lawmhnak na tem kho lai.

Kannah a kan daw i vel a kan ngeih caah hnangamnak le ruahchannak a tham i a kan pe zungzaltu Bawipa Jesuh Khrih le Pathian kan Pa nih cun a tham i kha nan tuah ngam nakhnaga le nan chim ngam nakhnaga ralthatnak in pe ko hna seh.

2 Thessalon 2:16-17

Theihternak: A rauh hlan ah caparbu (series) thar a chuak lai. Thlarau nih a hruaimi Khrih zultu hna nih hi vawleipi harnak chung ah ze i tin dah kan karhlan awk a si, timi lei deuh a si lai.

Copyright © 2020 Timothy C. Geoffrion. All rights reserved to the author, but readers may freely download, print, forward, or distribute to others, providing that his copyright notice is included.

Translation by Hrang Lian Thang, Chin Christian University, Hakha, Chin State